

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**ZAKLJUČAK**  
**o produženju roka za donošenje rješenja**

**Sarajevo**  
**Juni 2010. godine**

Broj: 01-05-26-028-48-II/2009  
Sarajevo, 14.06.2010. godine

Na osnovu člana 25. stav (1) tačka d), člana 41 stav (2) i člana 42. stav (2) Zakona o konkurenciji ("Službeni glasnik BiH", br. 48/05, 76/07 i 80/09) i člana 210. Zakona o upravnom postupku ("Službeni glasnik BiH", br. 29/02, 12/04 i 88/07), Konkurencijski savjet je na 106. (stošestoj) sjednici održanoj dana 14.06.2010. godine, donio

## **Z A K L J U Č A K** **o produženju roka za donošenje rješenja**

Produžava se rok za donošenje konačnog rješenja, za dodatna 3 (tri) mjeseca, u postupku koji se vodi pred Konkurencijskim savjetom po Zaključku o pokretanju postupka broj: 01-05-26-028-11-II/2009 od dana 16.02.2010. godine radi zloupotrebe dominantnog položaja iz člana 10. stav 2. tačka a), b), c) i d) Zakona o konkurenciji, protiv privrednog subjekta BH Telecom d.d. Sarajevo.

## **O b r a z l o ž e n j e**

Konkurencijski savjet je dana 04.09.2009. godine pod brojem: 01-05-26-028-II/2009 zaprimio Zahtjev za pokretanje postupka, u smislu člana 28. Zakona o konkurenciji, od strane privrednog subjekta Akt.online d.o.o. Fra Anđela Zvizdovića br.1 A/21 Sarajevo, putem punomoćnika, zajedničke advokatske kancelarije Marić Branko, Ivanović Dijana, Dizdarević Višnja, Radovanović Predrag, Ezmana Hadžiavdić i Džana Smailagić-Hromić, Mehmeda Spahe 26, 71000 Sarajevo (u daljem tekstu: Podnosilac zahtjeva) protiv privrednog subjekta BH Telecom d.d. Sarajevo (u daljem tekstu: BH Telecom) i privrednog subjekta Telekomunikacije Republike Srpske a.d. Banja Luka (u daljem tekstu: Telekom RS), zbog sumnje o postojanju zabranjenog sporazuma iz člana 4. stav 1) tačka d) i zloupotrebe dominantnog položaja iz člana 10. stav 2. tačka a), b) c) i d) Zakona o konkurenciji, te člana 9. Odluke o definisanju kategorija vladajućeg položaja ("Službeni glasnik BiH", br. 18/06).

Konkurencijski savjet je dana 21.01.2010.godine, pod brojem 01-05-26-028-9-II/2009 godine izdao Potvrdu o prijemu kompletnog i urednog Zahtjeva u smislu člana 28. stav (3), od kada teče rok za donošenje odluke po Zahtjevu za pokretanje postupka.

U toku postupka, privredni subjekt Telekom RS je tražio produženje roka za davanje Odgovora na Zahtjev za dodatnih 15 (petnaest) dana, a privredni subjekt BH Telecom za dodatnih 30 (trideset) dana. Konkurencijski savjet je razmatrao zahtjeve za produženje roka za davanje odgovora privrednih subjekta Telekom RS i BH Telecoma, te imajući u vidu složenost predmeta, iste ocijenilo opravdanim i odobrilo dodatne rokove, u skladu sa zahtjevima navedenih privrednih subjekata.

Punomoćnik privrednog subjekta BH Telecoma advokat Džemil Sabrihafizović obratio Konkurencijskom vijeću dana 14.05.2010. godine sa molbom da se usmena rasprava, zakazana za dan 26.05.2010.godine ,odgodi za neki drugi termin koji odgovara rasporedu Konkurencijskog

savjeta i ostalih stranaka u postupku, što je Konkurencijski savjet uvažio i zakazao istu za dan 02.06.2010.godine. Na navedenoj usmenoj raspravi održanoj 02.06.2010.godine punomoćnik Podnosioca zahtjeva advokat Branko Marić je na zapisnik dao usmenu izjavu o odustajanju od dijela Zahtjeva za pokretanje postupaka od 04.09.2009.godine pod brojem: 01-05-26-028-II/2009, protiv privrednog subjekta Telekom RS i privrednog subjekta BH Telecom.

Konkurencijski savjet na 106. ( stošestoj ) sjednici, održanoj dana 14.06.2010.godine u skladu sa članom 122. stav 2. Zakona o upravnom postupku donio Zaključak kojim se postupak pokrenut Zaključkom Konkurencijskog savjeta broj: 01-05-26-028-11-II/09 dana 16.02.2010.godine, protiv privrednog subjekta Telekom RS obustavlja u cijelosti, a protiv privrednog subjekta BH Telecom, obustavlja u dijelu koji se odnosi na sumnju o postojanju zabranjenog sporazuma iz člana 4. stav 1) tačka d) Zakona o konkurenciji.

Imajući u vidu naprijed navedeno, kao i da je za utvrđivanje činjeničnog stanja i ocjenu dokaza potrebno izvršiti dodatne analize, te da se radi o osjetljivom tržištu, Konkurencijski savjet je ocijenio da je rok za donošenje konačnog rješenja potrebno produžiti za dodatna 3 (tri) mjeseca u smislu člana 41.stav 2) Zakona o konkurenciji, te je odlučilo kao u dispozitivu ovog Zaključka.

### **Pouka o pravnom lijeku**

Protiv ovog Zaključka nije dopuštena žalba.

**Predsjednik**

**dr. Stjepo Pranjić**

Dostavljeno:

1. BH Telekom
2. Akt. online
2. U spis
3. Arhiva